

جریدہ علمیہ

مشیخت جلید اسلامیک جریده رسمیه سیدر
محرم الحرام ۱۳۳۸

عدد ۴۹

آیدہ بر نشر اول نور

بشقی سنہ

سائر ده کی رجال عرفان و حقیقت آرای صائبه سندن ده مستفید اولمق لزومنی کوردی .
شیخ الاسلام افندی حضرتلری ده بولزومی تأیید بیوردیلر ؛ ایشته اوسایه در که مجلسمز
شو سماعته بر جوق ذوات عالیه نک شرف حضورتله مشرف بولنیور . بناءً علیه تشرف
ایتدیکمز ذوات محترمه یه اول امرده وظیفه خوش آمدی بی ایضا ایلم .

مملکت مزك اخلاق و اجتماعی رابطه لرنده شایان تأسف بر ضعف کورلدیکی و حسیات
دینییه نک گوشه دیکی جهته اخلاق عمومیه یه و هن طاری اولدینی قابل انکار دکلدیر . فقط
اک زیاده شایع اولان منکرات و بنیه اجتماعی و دینییه مزه مضر اولان حالات و فحش ، قمار ،
عشرت ، مقدساته تعرض کی دینه و اخلاقه مغایر اولان شیئر اولدینی ایچون بزده اولا
بولنری موضوع بحث ایدلم ؛ بعده فروع متباییه کبریشه لم . ایشته بو مطلوبک حصولی
ایچون مستعیناً بتوفیقہ تعالی مجلسی کشاد ایدیورم ؛ مذاکره باشلایه بیلیرز ؛ همان جناب
حق معینمز اولسون و جمله مزی موفق بالخیر بیورسون آمین .

بونی متعاقب پنجمین کونلری یوم اجتماع اولمق اوزره قبول ایدلمش و موضوع بحث مواد حقنده
مذاکرات جریان ایتد کدن صکره اول باول عشرتک منعی چاره لری دوشونیللمی تقریر ایتشدیر .

عدم دیانت و اخلاق سزلق

جریده علمیه نک ۴۸ عددلی نسخهنده عدم دیانت و اخلاق سزلق حقنده برعریضیه
دار الحکمة الاسلامیه طرفندن ویریلن جواب انتشار ایتشدی . وقت غزیه سی بوجوانی
تشرین اولک ۱۲ نجی بازار کونکی ۶۹۸ نومرولو نسخهنه بعض مطالعات علاوه سیله
درج ایتمش اولدیفندن تنویر حقیقته مدار اولور اعتقادیه بو بایده بعض ملاحظات سردی
فائده دن خالی کورلمه دی .

مذکور جوابده جمعیات مدنییه نک تکامل لرنده اوچ بیوک ترقی دوره سی کچیردکلری ،
اک اسکی دوره ده بولنان بر جمعیت مدنییه نک معاملات خارجییه ی آز یاخود مفقود اولوب
همان هر یرده حکمفرما اولان نیم مدنی ، نیم وحشی اقوامه یاخود رقیب بر دوله قارشی
کندینی مدافعه یه مجبور بولندوغی ، و بو صورتله جمعیتک قوتی قسم عظیمی اعتباریه بلع
ایدیایه رک جمعیت داخلنده کی ده کچک جمعیتلرک تشکیل قانونیسنه و اقتصاداً انکشافه

آنحق جزئی بر قوت صرف ایدیه‌جکی ذکر ایدلش و بو خصوصلره مصر ، بابل ، یونانستان و روما جمعیات مدنیسه‌نه اشارت ایدیه‌دک تاریخن استشهاد ایدلشددر .

ایکنجی دوره استحصال حریت و تأسیس اجتماعی تیقید و تنظیم قوانین و جمعیات ثانویه به اهتمام ایله ، اوچنجی دوره ده اقتصاد و اخلاقیات ایله تمیز ایدلشددر .

جمعیات مدنیه‌نک مراحل تکاملنی تصویر ایدن و علم اجتماعده مین بولنان بوتقسیمده کی دوره‌لرک برندن دیکرینه بر جمعیتک انتقالی قانون تکامل اقتضاسیجه اجتماعی بر طاقم اسبابک تولید ایتدیکی بحرانی متعاقباً وقوعه کلیمکده در . تاریخن قید ایتدیکی اقوام مدنیه‌نک صفحات تکاملی بعضی‌لرده بیوک اختلاللر عرض ایدر . شو حالده دارالحکمه‌نک ویریدیکی جوابده علامنه نظراً ایکنجی دوریه انتقال ایتیمکده اولدوغنه حکم اولنان جمعیت عثمانیه‌نک بر وقتدن بری مشهود اولان (علمی ، حقوقی ، مالی و هکذا) بر شورش اجتماعی و ضلال اخلاقی به دوچار اولدوغنک تذکار ایدلمسی شایان حیرت برجهت کوسرتمز . باخصوص که جوابده بویکی دوره‌نک صورت مطلقه‌ده یکدیگرندن آیری بولندوغنه اعتقاد ایتیمکده لازم اولمادیغی ده تصریح ایدلشددر .

ینه بوتقسیمده کوسرتملن ادوار مدیتک اوچ قسمی : دینی و عسکری دوره ، احرارانه قانونی دوره ، اقتصادی و اخلاقی دوره ، آنحق دوره‌لری الک بارز خطوط اساسیه‌نه نظراً تمیز ایدیور دیمکدر . دینی و عسکری دوره ده اخلاق بولمیه‌جق ، اخلاقی بر دوره ده دیانت و عسکرلک بولمیه‌جق دیمک دکدر . جوابده دنیلور که آمریقامدیتک اوچنجی دوره‌نه کیرمشدر ، بزده بیلیورز که آمریقا بیکلرجه افرادی جامع یوزلرجه جمعیات دینه‌نی حاویدر و حرب عمومیده اوکرندک که آمریقایلر عینی زمانده عسکردر . دینی بر دوره ده اخلاقیاتک بولمیه‌جفی ایسه تصور بیله ایدیه‌مز . دینک کلیات احکامندن بر قسمی اخلاق تشکیل ایدر . شونی ده علاوه ایتیمکده مساعده بیورلسون که هر دوره مدیتک کندینه مخصوص بر اخلاقیتی بولندوغندن برینک حصولی دیکرینه وصولی استلزام ایتمز . بو ملاحظاته نظراً جمعیت عثمانیه‌نک ایلک دوره ده دیانت و اخلاقیاتک متین بر مرتبه‌نه واصل اولمسی طی زمان خارقه‌سیله و موجود ضلال اخلاقی عکس دوران ایله ایضاح ایدلمک حاجت برافاز ظن ایدرم .

مذکور جوابده جمعیت عثمانیه‌ده موجود اولان بحران اجتماعینک ایضاح اسبابی صددنده ایلک دوره ده خلقک استحصال ایددیکی رفاهک طغیانه بادی اولدوغی ادعا ایدلمشکن

بوجرانك ازاله‌سنة چاره‌لر تحريسي صرہ‌سندہ ثروتك دين وعلم و اخلاق ايجون موجب‌نمہ بر زمين تشكيل ايده‌جكنك كوسترلسى بر تناقض كجى تلقى ايدلمش ايسده كلامك سياقى نظر دقتہ آلتنجہ اصلاً بر تناقضى متضمن اولدينى كورولور . هم فصل اولور كه ايكي حكيمده نقل ايله تأييد ايدلمشدر . رفاھك طغيانہ بادی اولدوغى « تربیة امتدہ اسكیدن موجود اولان قوت وجدیته بدل قلبره چوكن قسوت ايله تلقينات دینیه‌ك ضعیف بر درجه‌یه كلیكجی » صرہده ادعا وبو وجهله سوء استعمال ایدیلن ثروتك طغيانہ بادی اولدوغه ايله ایدلمشدر كه بونك اصابتہ وازاله بجرانہ چاره‌لر تحريسي صرہ‌سندہ ثروتك - كه حسن استعمال ايدلك شرطيله ديمك اولدوغى سويلمكه حاجت يوقدر - دين وعلم و اخلاق ايجون مثبت بر زمين احضار ايدم جكنك بيانيله تناقض ايمه جكنه انفاذ نظرايتك كوچ دكلدر . بنیه اجتماعیه مزده كورولن خللك اس‌الاساس اجتماع اولاق معيشه ك تنظيمنده كی خللدن نشأت ايتديكي جوابده ذكر اولندقدن صوكرم بو مسأله مهمه و معضله يي وقت غزته‌سنة - هر حالده سهواً اوله‌جق - درج ايدلديكي كجى يالكتر دارالحكمه ك قسماً حل ايتك ايسنديكي بيان ايدلمه‌مش ، بلكه بو مسأله‌ك يالكتر دارالخلافه ايجون قسماً حلنه دارالحكمه جه مقدما تشبث ايدلديكتدن بحث ايدلمشدر .

نهایت ، مذکور عريضه‌ك جوابنده دیانت و اخلاقك تأمین محافظه‌سی ايجون خدمات عمومیه‌ده استخدام ایديله جكلرك تعیین و ترفیع‌لرنده بر حسن حال شهادتنامه‌سی ابراز ایللری چاره‌سی درمیان ایدلمشدر كه بوده ملل متمدنده مرعی اصولدن بولندوغی حالده وقت غزته‌سی فاتحه و خاتمه مطالعه‌سندہ عكس حرکتہ سوق ایتمش و براز یوقاریده خلل اجتماعیمزك تنظیم معیشتده كی خللدن نشأت ایتديكی و بونك بر صورت عمومیه‌ده حلنه آنجق هیأت اجرائیه‌ك صلاحیتدار بولندوغی بیان ایدن دارالحكمه یه قارشى « آچلق - طوقلق مسئله‌سی كنیه‌ی كندیته خاطر لاتمسی » مطالعه مفیده‌سندہ بولندرمشدر !

ما فی الدیار مجابوب الاصدی المتصوت

فاقول این احبى و یقول این احبى

دارالحكمة الاسلامیه . اعضاسندن

اشرف افندی زاده

سوکتی

شهزاده باشی : اوقاف اسلامیه مطبعه - ی